

## ПРОГРАММАЛИЧИ БАЯНТИ

V - XI ибти классунас хасбарибси даргала литературала программа литература гъалабяхі башни ва гямрулизир кадиркути дарсдешуни хісаблизи касили, чеункъбарили балкъаахъурси саби. Илис хъулчили касибси саби 1994 ибил дуслизиб дурабухъунси программа.

Литературала дурсрачиб дурхінас багъуди кайсахънила ва бяркъ бедлугнила масъултани хасси мер бурцули саби. Литературали кумекбиру дурхінази гямрулизиб лайикъси мер бурцахънилизиб, писательла гъайла устадешличи диги алклахънилизиб. Руркъути произведениебачибли дурхіназир адамтачи, мицѝирагличи, тлабигіятличи, бузериличи ва бузерила адамтачи диги адилкъни учительла деѝлара мягнічerti баркъудлумазибад ца саби.

V - XI ибти классунала даргала литературала программализи кадурхули сари гъарил классла дурхінала гямруличи лайикъти, илдани мягна аргъести халкъла мухліла пагъмула даргала ва Дагъиста писательтала произведениеби. Илдала кумекличил дурхіни тянишбирар адamtала гъарурла ва ишхелла гямруличил, бурсибирар гяхіси глебисес, илизибад гйбрат кайсес. Нушала гямруличи балхлебикибсилочи, хіярамсилочи, адамла хіял-тлабигіятличи лайикъли ахленсилочи дурхіназиб гъими алклахъу.

Дурхінас бяркъ бедлугнила ва багъуди кайсахънила мурадуні пикрилизи касили, чедирти классуназиб литература руркъни клел бутіаличи бутіибси саби:

I. V - VII классуни. Литература бучіни (Литературное чтение).

II. VIII - XI классуни. Литературала историяла курс.

V - VII классуназир руркъути произведениеби чула мягна, тематика ва жураби хіясибли деклардарибти сари. Дусмала гъаб-гегргидешла (хронологияла) къяйдуртира хісабдарибти сари. Бехібихъудла классуназир касибти багъудлумаѝи хъарихъули, ишди классуназир литератураличи диги имцладиклахъу, дурхіни къалабали ва саркъахъили бучінила устадеш гъаладяхі арку, произведениела камси анализ бирахъес, илис лайикъси къимат бедлугахъес бурсибиру.

VIII - XI классуназир диалли произведениеби гъаладихъибти сари литературала историяла тлабуни хъулчили дуцили. Ишар машгурти писательтала имцлалі мягнічertiгъунти, халатигъунти